

Eun an y'éra ishtë un forésh freit et eshtra sec et y'éra veni póca póca fen.

Ma après, lo tens l'a donà bon et tso què le pra i aòn pa donà en fen i l'an rendu en rècorts. L'est maquè què la misera dou fen l'aeit fait veni a quahqu'un la tentatsion dè I robà dè noit lo rècorts. Dè noit l'éra comodo perquè y'éra maquè dè embrancà le capellin, fa' un per dè fiorrà et apésa-sè.

Un cò lomèdè Djariot l'aeit euna bela ehtendouà dè rècorts en un pra queca rehcondu et l'a pensà de I lo vèià dè noit.

Ou s'est portà euna queuverta, dè tabac et d'aleumettè et l'est alà sè couthà au cu d'un mur deseut eun'ehpena. Pè lachà trempà le piè ou s'est trait le tsoquè ; l'a fait euna bonha pipà et pu, legnà commè l'éra, ou s'est endromi commè un tseucon.

Outrè sou devan-djôr ou s'est rèvèià teut freolen.

Commè l'a viu què l'arbeeit, l'a decédà dè sè n'en tornà i miète prendè la fats pè I fa' la matenà.

En aveiten lo pra l'a notà qu'i yè manqueit pa dè capellin et l'a pensà què l'aeit franc fait ben dè I sè lo vardà ; ma... et le tsoquè ?

- I éron tse dapé ! Tchartcha qui tê tchartcha i éron vià.

- Ma santinato teutun ! Dè belè tsoquè d'aroula, commè nouè !

Y'a falu sè rètchavià dechats et l'éra gnanca tan protcho !

Le tsoquè i l'atendavon so l'eush di miète...